


大般若波羅蜜多經

第五百九十


李十

五十九

47377



山城... 日增輝... 煥谷... 輪... 置...
... 固... 帝... 綴... 昌...
... 子... 月... 主... 備...



大般若經第十四會
波羅蜜多分序
觀夫至運無動妙警伊寂梵輪冥退轉之規
慈航虛下濟之影斯進德所以爲貴勤音所
由而作也其有揭情區而遠荷指覺地以高
驤比擐甲之精堅同策駟之遄夙則必任善
以爲軛引之無窮之路委身而作隸駟之圖
極之期微五欲之婁安乃三塗之醜毒從因
脩之勞悴寔萬德之光敷惟夫淺溜穿石小
滴盈器鑿燧之勤斷幹之漸皆積微不已故
在著可觀蚓弱質而飲泉蟹壯容而寄穴驂
鑣怠矣駑駕駕先之矧乎摩訶衍心波羅蜜行
其於勦刻豈忘動靜故能千界如燬詢之句

以投之萬流方割拯一命而游之假使駐補
處以三祇終覓勇於初發雖復澹即空於萬
行乃均熾於昔孰不端倪其所欲行不翹佇
其所當證撫塵劫之修如瞬仍如渴日視砂
界之赴若隣猶殷夙夜故精進之於諸度也
若銜捶之在群馭焉正勤之於道品也若盥
梅之資列鼎焉正法源底由之而至聖人能
事於茲而畢然後聞舍利之談覺支則較實
無地憶底沙之流讚頌則勃興斯在三練之
業允該六意之修奚極緬惟景躅豈遑寧處
載詠玄章益荷昭趣文乃單卷事非重譯庶
將賀寸陰以尺璧甘夕死於朝聞矣

大般若波羅蜜多經卷第五百九十

三藏法師 玄奘奉 詔譯

第十四精進波羅蜜多分

如是我聞一時薄伽梵在室羅筏住誓多林
給孤獨園與大苾芻衆千二百五十人俱尔
時具壽滿慈子曰佛言世尊若菩薩摩訶薩
欲證無上正等菩提云何方便安住精進波
羅蜜多尔時世尊告滿慈子若菩薩摩訶薩
欲證無上正等菩提初發心時應作是念我
諸所有若身若心先應爲他作饒益事當令
一切所願滿足譬如僮僕應作是念行住坐
卧皆當任主不應自在而有所作欲從其舍

往市鄽等先諮問主然後方出所須飲食許
乃受用諸有所爲皆隨主欲如是菩薩摩訶
薩衆欲證無上正等菩提最初發心應作是
念我之所有若身若心皆不應令自在而轉
隨他所有饒益事業一切皆當爲其成辦如
是菩薩摩訶薩衆依止精進波羅蜜多不離
李
精進波羅蜜多誓爲有情作所應作諸菩薩
摩訶薩皆於精進波羅蜜多應如是任譬如
馬寶若人乘御便作是念我今不應令乘御
人身支搖動疲倦勞苦或損嚴且盤迴去任
遲速任人將護其人不令緣我起瞋忿等種
種過失如是菩薩摩訶薩衆欲行精進波羅

蜜多不隨主心而有所作隨他意樂爲作饒
益仍將護彼令於我身不起一切煩惱惡業
彼於菩薩摩訶薩衆雖先無恩而諸菩薩摩
訶薩衆作報恩想爲彼成辦種種事業如是
菩薩摩訶薩衆爲成精進波羅蜜多將護他
心隨他意轉爲作種種利益安樂如是菩薩
摩訶薩衆攝受精進波羅蜜多作諸有情利
益安樂如已事業常無厭倦是爲菩薩摩訶
薩衆安住精進波羅蜜多又滿慈子若菩薩
摩訶薩爲疾證得一切智智與諸有情作大
饒益常勤修學布施淨戒安忍精進靜慮般
若波羅蜜多心無退轉是菩薩摩訶薩安住

精進波羅蜜多若菩薩摩訶薩為疾證得一
切智智與諸有情作大饒益常勤修學內空
外空內外空空空大空勝義空有為空無為
空畢竟空無際空散空無變異空本性空自
相空共相空一切法空不可得空無性空自
性空無性自性空觀心無退轉是菩薩摩訶
薩李安住精進波羅蜜多若菩薩摩訶薩為疾
證得一切智智與諸有情作大饒益常勤修
學諸法真如法界法性不虛妄性不變異性
平等性離生性法定法任實際虛空界不思
議界觀心無退轉是菩薩摩訶薩安住精進
波羅蜜多若菩薩摩訶薩為疾證得一切智

智與諸有情作大饒益常勤修學無明緣行
行緣識識緣名色名色緣六處六處緣觸觸
緣受受緣愛愛緣取取緣有有緣生生緣老
死愁嘆苦憂惱觀心無退轉是菩薩摩訶薩
安住精進波羅蜜多若菩薩摩訶薩為疾證
得一切智智與諸有情作大饒益常勤修學無
明滅故行滅行滅故識滅識滅故名色滅名
色滅故六處滅六處滅故觸滅觸滅故受滅
受滅故愛滅愛滅故取滅取滅故有滅有滅
故生滅生滅故老死愁嘆苦憂惱滅觀心無
退轉是菩薩摩訶薩安住精進波羅蜜多若
菩薩摩訶薩為疾證得一切智智與諸有情

作大饒益常勤修學若苦若無常若空若無
我苦聖諦觀若因若集若生若緣集聖諦觀
若滅若靜若妙若離滅聖諦觀若道若如若
行若出道聖諦觀心無退轉是菩薩摩訶薩
安住精進波羅蜜多若菩薩摩訶薩為疾證
得一切智智與諸有情作大饒益常勤修學
四靜慮四無量四無色定心無退轉是菩薩
摩訶薩安住精進波羅蜜多若菩薩摩訶薩
為疾證得一切智智與諸有情作大饒益常
勤修學四念住四正斷四神足五根五力七
等覺支八聖道支心無退轉是菩薩摩訶薩
安住精進波羅蜜多若菩薩摩訶薩為疾證

得一切智智與諸有情作大饒益常勤修學
空無相無願解脫門心無退轉是菩薩摩訶
薩安住精進波羅蜜多若菩薩摩訶薩為疾
證得一切智智與諸有情作大饒益常勤修
學八解脫八勝處九次第定十遍處心無退
轉是菩薩摩訶薩安住精進波羅蜜多若菩
薩摩訶薩為疾證得一切智智與諸有情作
大饒益常勤修學一切陀羅尼門一切三摩
地門心無退轉是菩薩摩訶薩安住精進波
羅蜜多若菩薩摩訶薩為疾證得一切智智
與諸有情作大饒益常勤修學淨觀地種姓
地第八地具現地薄地離欲地已辦地獨覺

季

若五九十九

四

外

地菩薩地如來地智心無退轉是菩薩摩訶
薩安住精進波羅蜜多若菩薩摩訶薩爲疾
證得一切智智與諸有情作大饒益常勤修
學若勝解行地若極喜地若離垢地若發光
地若焰慧地若極難勝地若現前地若遠行
地若不動地若善慧地若法雲地若等覺地
心無退轉是菩薩摩訶薩安住精進波羅蜜
多若菩薩摩訶薩爲疾證得一切智智與諸
有情作大饒益常勤修學清淨五眼六勝神
通心無退轉是菩薩摩訶薩安住精進波羅
蜜多若菩薩摩訶薩爲疾證得一切智智與
諸有情作大饒益常勤修學如來十力四無

所畏四無礙解大慈大悲大喜大捨十八不共法等無邊佛法心無退轉是菩薩摩訶薩安住精進波羅蜜多又滿慈子若菩薩摩訶薩為令佛土最極嚴淨之處生死修諸功德心無退轉是菩薩摩訶薩安住精進波羅蜜多若菩薩摩訶薩為多成熟諸有情類久處生死修諸功德心無退轉是菩薩摩訶薩安住精進波羅蜜多若菩薩摩訶薩初發無上正等覺心假使三千大千世界諸有情類皆成菩薩或一生所繫或二生所繫或三生所繫或四生所繫當得成佛作如是言汝應精勤修菩薩行先證無上正等菩提然後

李

若五十九

五

我當證無上覺。爾時菩薩隨彼所言精勤勇
猛心無怯懼。是菩薩摩訶薩安住精進波羅
蜜。多若菩薩摩訶薩。或一生所繫。或二生所
繫。或三生所繫。或四生所繫。當得成佛。假使
三千大千世界諸有情類。初發無上正等覺
心。作如是言。汝當待我先證無上正等菩提。

然後乃應證無上覺。爾時言菩薩隨彼所
住生死心。無退屈。是菩薩摩訶薩安住精進
波羅蜜。多若菩薩摩訶薩。見乞者來有所求
索。面不顯威。足眼無瞋相。但作是念。如是有情
順我所求。一切智智速作方便。勤求施與。是
菩薩摩訶薩安住精進波羅蜜。多若菩薩摩訶

薩為一有情得安樂故或經一劫或一劫餘
大地獄中受諸劇苦身無動轉心不退屈是
進^善薩摩訶薩安住精進波羅蜜多若菩薩摩
訶薩假使晝夜量同大劫積此晝夜復成大
劫設經如是殫伽沙數大劫時分處大地獄
受諸劇苦由受斯苦令一有情得出地獄

生於善趣菩薩尔時歡喜為受是菩薩摩訶
薩安住精進波羅蜜多若菩薩摩訶薩聞說
是事踊躍歡喜誓能為受心無退屈當知名
為精進菩薩安住精進波羅蜜多若菩薩摩
訶薩聞如是事其心怯弱不生歡喜欲受行
心當知名為懈怠菩薩若菩薩摩訶薩聞諸

善事心心相續愛樂受行當知名為精進菩
薩安住精進波羅蜜多若菩薩摩訶薩聞諸
善事不能繫念相續受行當知名為懈怠菩
薩又滿慈子若菩薩摩訶薩假使於此瞻部
洲地從一處掃漸至餘方周而掃已還至本
處若生是念我久離此當知名為懈怠菩薩
李若五十九十
若菩薩摩訶薩為此事已作是念言我極速
疾還來至此當知名為精進菩薩安住精進
波羅蜜多若菩薩摩訶薩於窣堵波營構修
理經一日已作是念言云何此日時極長久
當知名為懈怠菩薩若菩薩摩訶薩為此事
已作是念言云何此日如彈指頃當知名為

精進菩薩安住精進波羅蜜多若菩薩摩訶
薩於僧伽藍營構修理經一日已作是念言
云何此日時極長久當知名爲懈怠菩薩若
菩薩摩訶薩爲此事已作是念言云何此日
如彈指頃當知名爲精進菩薩安住精進波
羅蜜多若菩薩摩訶薩觀經半年所作事業
生長久想當知名爲懈怠菩薩若菩薩摩訶
薩觀經半年所作事業謂如一日所作事業
當知名爲精進菩薩安住精進波羅蜜多若
菩薩摩訶薩觀經一年所作事業生長久想
當知名爲懈怠菩薩若菩薩摩訶薩觀經一
年所作事業謂如一日所作事業當知名爲

精進菩薩安住精進波羅蜜多若菩薩摩訶
薩觀經半劫所作事業生長久想當知名為
懈怠菩薩若菩薩摩訶薩觀經半劫所作事
業謂如一日所作事業當知名為精進菩薩
安住精進波羅蜜多若菩薩摩訶薩觀經一
劫所作事業生長久想當知名為懈怠菩薩

若五、九、十

七

明

若菩薩摩訶薩觀經一劫所作事業謂如一
日所作事業當知名為精進菩薩安住精進
波羅蜜多又滿慈子諸菩薩摩訶薩修菩提
行不應思惟劫數多少謂我經於尔所劫數
當證無上正等菩提若菩薩摩訶薩思惟劫
數而作分限精勤勇猛修菩提行求證無上

正等菩提當知名爲懈怠菩薩若菩薩摩訶
薩作是思惟設經無量無邊大劫精進勇猛
修菩提行方證無上正等菩提我定不應心
生退屈勤求無上正等菩提當知名爲精進
菩薩安住精進波羅蜜多修行精進波羅蜜
多令速圓滿遠離生死疾能證得一切智智
與諸有情作大饒益若菩薩摩訶薩思惟劫
數而作分限雖極勇猛常勤修學布施淨戒
安忍精進靜慮般若波羅蜜多而亦名爲懈
怠菩薩若菩薩摩訶薩作是思惟設經無量
無邊大劫最極勇猛常勤修學布施淨戒安
忍精進靜慮般若波羅蜜多乃得圓滿方證

無上正等菩提我定不應心生退屈當知名
為精進菩薩安住精進波羅蜜多疾能證得
一切智智若菩薩摩訶薩思惟劫數而作分
限雖極勇猛常勤修學內空外空內外空空
空大空勝義空有為空無為空畢竟空無際
空散空無變異空本性空自相空共相空一
切法空空不可得空無性空自性空無性自性
空智而亦名為懈怠菩薩若菩薩摩訶薩作
是思惟設經無量無邊大劫最極勇猛常勤
修學內空乃至無性自性空智乃得圓滿方
證無上正等菩提我定不應心生退屈當知
名為精進菩薩安住精進波羅蜜多疾能證

得一切智智若菩薩摩訶薩思惟劫數而作
分限雖極勇猛常勤修學諸法真如法界法
性不虛妄性不變異性平等性離生性法定
法住實際虛空界不思議界智而亦名為懈
怠菩薩若菩薩摩訶薩作是思惟設經無量
無邊大劫最極勇猛常勤修學諸法真如乃

李

若五九十一

八

小

至不思議界智乃得圓滿方證無上正等菩
提我定不應心生退屈當知名為精進菩薩
安住精進波羅蜜多疾能證得一切智智若
菩薩摩訶薩思惟劫數而作分限雖極勇猛
常勤修學無明緣行行緣識識緣名色名色
緣六處六處緣觸觸緣受受緣愛愛緣取取

緣有有緣生生緣老死智而亦名爲懈怠菩
薩若菩薩摩訶薩作是思惟設經無量無邊
大劫最極勇猛常勤修學無明緣行乃至生
緣老死智乃得圓滿方證無上正等菩提我
定不應心生退屈當知名爲精進菩薩安住
精進波羅蜜多疾能證得一切智智若菩薩
摩訶薩思惟劫數而作分限雖極勇猛常勤
修學無明滅故行滅行滅故識滅識滅故名
色滅名色滅故六處滅六處滅故觸滅觸滅
故受滅受滅故愛滅愛滅故取滅取滅故有
滅有滅故生滅生滅故老死滅智而亦名爲
懈怠菩薩若菩薩摩訶薩作是思惟設經無

量無邊大劫最極勇猛常勤修學無明滅故
行滅乃至生滅故老死滅智乃得圓滿方證
無上正等菩提我定不應心生退屈當知名
為精進菩薩安住精進波羅蜜多疾能證得
一切智智若菩薩摩訶薩思惟劫數而作分
限雖極勇猛常勤修學若苦若無常若空若
李無我苦聖諦智若因若集若生若緣集聖諦
若五了本智若滅若靜若妙若離滅聖諦智若道若如
若行若出道聖諦智而亦名為懈怠菩薩若
菩薩摩訶薩作是思惟設經無量無邊大劫
最極勇猛常勤修學若苦若無常若空若無
我苦聖諦智乃至若道若如若行若出道聖

諦智乃得圓滿方證無上正等菩提我定不
應心生退屈當知名爲精進菩薩安住精進
波羅蜜多疾能證得一切智智若菩薩摩訶
薩思惟劫數而作分限雖極勇猛常勤修學
四靜慮四無量四無色定而亦名爲懈怠菩
薩若菩薩摩訶薩作是思惟設經無量無邊
大劫最極勇猛常勤修學四靜慮四無量四
無色定乃得圓滿方證無上正等菩提我定
不應心生退屈當知名爲精進菩薩安住精
進波羅蜜多疾能證得一切智智若菩薩摩
訶薩思惟劫數而作分限雖極勇猛常勤修
學四念住四正斷四神足五根五力七等覺

支八聖道支而亦名爲懈怠菩薩若菩薩摩訶薩作是思惟設經無量無邊大劫最極勇猛常勤修學四念住乃至八聖道支乃得圓滿方證無上正等菩提我定不應心生退屈當知名爲精進菩薩安住精進波羅蜜多疾能證得一切智智若菩薩摩訶薩思惟劫數而作分限雖極勇猛常勤修學三解脫門而亦名爲懈怠菩薩若菩薩摩訶薩作是思惟設經無量無邊大劫最極勇猛常勤修學三解脫門乃得圓滿方證無上正等菩提我定不應心生退屈當知名爲精進菩薩安住精進波羅蜜多疾能證得一切智智若菩薩摩

訶薩思惟劫數而作分限雖極勇猛常勤修
學八解脫八勝處九次第定十遍處而亦名
為懈怠菩薩若菩薩摩訶薩作是思惟設經
無量無邊大劫最極勇猛常勤修學八解脫
乃至十遍處乃得圓滿方證無上正等菩提
我定不應心生退屈當知名為精進菩薩安

李

若五九九十

十

明

住精進波羅蜜多疾能證得一切智智若菩
薩摩訶薩思惟劫數而作分限雖極勇猛常
勤修學陀羅尼門三摩地門而亦名為懈怠
菩薩若菩薩摩訶薩作是思惟設經無量無
邊大劫最極勇猛常勤修學陀羅尼門三摩
地門乃得圓滿方證無上正等菩提我定不

應心生退屈當知名爲精進菩薩安住精進
波羅蜜多疾能證得一切智智若菩薩摩訶
薩思惟劫數而作分限雖極勇猛常勤修學
諸菩薩地及諸地智而亦名爲懈怠菩薩若
菩薩摩訶薩作是思惟設經無量無邊大劫
最極勇猛常勤修學諸菩薩地及諸地智乃
得圓滿方證無上正等菩提我定不應心生
退屈當知名爲精進菩薩安住精進波羅蜜
多疾能證得一切智智若菩薩摩訶薩思惟
劫數而作分限雖極勇猛常勤修學清淨五
眼六勝神通而亦名爲懈怠菩薩若菩薩摩
訶薩作是思惟設經無量無邊大劫最極精

進常勤修學清淨五眼六勝神通乃得圓滿
方證無上正等菩提我定不應心生退屈當
知名為精進菩薩安住精進波羅蜜多疾能
證得一切智智若菩薩摩訶薩思惟劫數而
作分限雖極勇猛常勤修學如來十力四無
所畏四無礙解而亦名為懈怠菩薩若菩薩
李摩訶薩作是思惟設經無量無邊大劫最極
若五十九十一勇猛常勤修學如來十力四無所畏四無礙
解乃得圓滿方證無上正等菩提我定不應
心生退屈當知名為精進菩薩安住精進波
羅蜜多疾能證得一切智智若菩薩摩訶薩
思惟劫數而作分限雖極勇猛常勤修學大

慈大悲大喜大捨十八佛不共法而亦名爲
懈怠菩薩若菩薩摩訶薩作是思惟設經無
量無邊大劫最極勇猛常勤修學大慈大悲
大喜大捨十八佛不共法乃得圓滿方證無
上正等菩提我定不應心生退屈當知名爲
精進菩薩安住精進波羅蜜多疾能證得一
切智智若菩薩摩訶薩思惟劫數而作分限
雖極勇猛常勤修學無忘失法恒住捨性而
亦名爲懈怠菩薩若菩薩摩訶薩作是思惟
設經無量無邊大劫最極勇猛常勤修學無
忘失法恒住捨性乃得圓滿方證無上正等
菩提我定不應心生退屈當知名爲精進菩

薩安住精進波羅蜜多疾能證得一切智智
若菩薩摩訶薩思惟劫數而作分限雖極勇
猛常勤修學一切智道相智一切相智而亦
名為懈怠菩薩若菩薩摩訶薩作是思惟設
經無量無邊大劫最極勇猛常勤修學一切
智道相智一切相智乃得圓滿方證無上正
等菩提我定不應心生退屈當知名為精進
菩薩安住精進波羅蜜多疾能證得一切智
智若菩薩摩訶薩思惟劫數而作分限雖極
勇猛常勤修學一切菩薩摩訶薩行而亦名
為懈怠菩薩若菩薩摩訶薩作是思惟設經
無量無邊大劫最極勇猛常勤修學一切菩

薩摩訶薩行乃得圓滿方證無上正等菩提
我亦不應心生退屈當知名為精進菩薩安
住精進波羅蜜多疾能證得一切智智

又滿慈子若菩薩摩訶薩有勸請言汝當為
我一日拚破妙高山王若反問言山王何量
汝遣我拚為幾分耶當知名為懈怠菩薩若

字

若五十九

十二

切

作是念妙高山王隨量大小我能一日為汝
拚破量同芥子或如極微雖經多時乃能拚
破而彼意謂如彈指頃當知名為精進菩薩
若菩薩摩訶薩作是思惟假使殫伽沙數大
劫為一晝夜積此晝夜復成大劫設經如是
無量大劫修菩薩行乃證無上正等菩提我

於此中心尚無退況無是事而不勤求當知
名爲精進菩薩若菩薩摩訶薩聞說如是精
進相時歡喜踊躍心無怯懼當知名爲精進
菩薩若菩薩摩訶薩聞說如是精進相時其
心退沒深生恐怖當知名爲懈怠菩薩不能
疾得一切智智若菩薩摩訶薩聞說精進波
羅蜜多作是思惟何時成就如是難證殊勝
功德當知名爲懈怠菩薩若菩薩摩訶薩聞
說精進波羅蜜多作是思惟如是功德我皆
具有我定應修令至彼岸當知名爲精進菩
薩若菩薩摩訶薩有來乞手或足或頭便作
是念我若施彼便爲無手無足無頭當知名

為懈怠菩薩若菩薩摩訶薩有來乞手或足
或頭便作是念我捨與彼當得天人阿素洛
等無上微妙手足及頭當知名為精進菩薩
若菩薩摩訶薩有乞眼耳便作是念我施與
之便無眼耳當知名為懈怠菩薩若菩薩摩
訶薩有乞眼耳便作是念我施與彼當得天
李人阿素洛等無上眼耳猶如勝智當知名為
若其事在精進菩薩遠離二乘近一切智若菩薩摩訶
薩有乞身分種種支節便作是念我若施彼
便關身分種種支節當知名為懈怠菩薩若
菩薩摩訶薩有乞身分種種支節便作是念
我若施彼當得天人阿素洛等無上佛法一

切智法身分支節當知名為精進菩薩若菩
薩摩訶薩諸乞者來種種求索便作是念乞
者甚多如何皆令意願滿足當知名為懈怠
菩薩若菩薩摩訶薩諸乞者來種種求索便
作是念此未為多假使殫伽沙數世界諸有
情類於一日中俱至我所種種求索我當方
便求覓珍財普施與之皆令滿足況今未許
而不能施當知名為精進菩薩所以者何諸
菩薩摩訶薩為欲引顯無量佛法一切智法
非以有量精進布施可能引顯無量佛法一
切智法要被無量精進布施廣大甲冑乃能
引顯無量佛法一切智法譬如有人欲度大

海要先備辦多踰繕那多百踰繕那多千踰
繕那多百千踰繕那種種資糧然後能度如
是菩薩摩訶薩衆欲證無上正等菩提要經
無量百千俱胝那庾多劫修集資糧然後乃
證若菩薩摩訶薩作是思惟我當有量有邊
大劫求證無上正等菩提當知名為懈怠菩
薩若菩薩摩訶薩作是思惟我當無量無邊
大劫求證無上正等菩提當知名為精進菩
薩尔時滿慈子白佛言世尊諸菩薩摩訶薩
如是精進豈名為難世尊告言汝謂菩薩摩
訶薩衆如是精進非為難耶滿慈子言諸菩
薩摩訶薩如是精進我謂非難所以者何佛

說諸法皆如幻事樂受苦受及助受法既如
幻事菩薩已能通達如是諸法實性精進何
難尔時世尊告滿慈子當知菩薩摩訶薩衆
雖知諸法皆如幻事而能發起身心精進安
住精進波羅蜜多求大菩提常無萎歇由此
菩薩摩訶薩衆如是精進最極為難時滿慈
子李便白佛言甚竒世尊希有善逝善說菩薩
摩訶薩衆精進甚難當知菩薩摩訶薩衆能
為難事雖知諸法都無所有而求無上正等
菩提欲為無邊諸有情類說能永斷無智正
法然諸無智實無所有亦無實法能令無智
取之為我及為我所亦無有情能作是念此

五十九卷

十四

是真實我及我所如是無智緣合故生而實
無生緣離故滅而實無滅若菩薩摩訶薩雖
如是知而心無退是菩薩摩訶薩安住精進
波羅蜜多當知名為精進菩薩若菩薩摩訶
薩作如是念諸法皆空我今何為發起精進
波羅蜜多當知名為懈怠菩薩若菩薩摩訶
薩作如是念以一切法畢竟空故我求無上
正等菩提覺諸法空為有情說令脫五趣生
死衆苦當知名為精進菩薩若菩薩摩訶薩
作如是念生死無際我豈能令皆得滅度當
知名為懈怠菩薩若菩薩摩訶薩作如是念
生死無始而容有終我寧不能皆令滅度假

使精進求大菩提如無始來所經劫數然後
乃證我尚應求況當不經尔所劫數復作是
念若諸菩薩愛樂修習一切智智相應作意
如發心頃已度晝夜半月一月時年雙等不
覺不知若諸菩薩愛樂修習布施淨戒安忍
精進靜慮般若波羅蜜多令心清淨都不作
意覺尔所時已度晝夜半月十五一月時年雙等
是故菩提求甚易得不應怖畏精進長時當
知名為精進菩薩譬如長者求多珍財晝夜
精勤思惟方便常作是念我於何時多獲珍
財遂本所願由斯無暇求諸飲食如是菩薩
摩訶薩衆欲令六種波羅蜜多心得清淨精

勤修習一切智智相應作意如發心頃已度
晝夜半月一月時年雙等常作是念何時當
得一切智寶饒益有情時滿慈子便白佛言
諸菩薩衆能被如是大精進甲勤求無上佛
功德寶饒益有情實如世尊常所宣說一切
菩薩能爲難事尔時佛告滿慈子言我觀世
間天人等衆無有成就希有功德如諸菩薩
摩訶薩衆唯除如來應正等覺時滿慈子便
從座起偏覆左肩右膝著地合掌恭敬作如
是言東南西北四維上下無邊世界住菩薩
乘諸有情類未發無上菩提心者願速發心
已發無上菩提心者願永不退若於無上正

等菩提已不退者願速圓滿一切智智爾時
佛告滿慈子言汝觀何義願諸菩薩速當圓
滿一切智智滿慈子言若無菩薩則無諸佛
出現世間若無諸佛出現世間則無菩薩及
聲聞衆要有菩薩修菩薩行乃有諸佛出現
世間以有諸佛出現世間便有菩薩及聲聞
衆譬如大樹由有根莖便有枝葉由有枝葉
便有花果由有花果復生大樹如是世間由
有菩薩便有諸佛出現世間由有諸佛出現
世間便有菩薩及聲聞衆由有菩薩修菩薩
行復有如來應正等覺出現世間作大饒益
爾時佛讚滿慈子言善哉善哉如汝所說

時佛告阿難陀言汝應受持諸菩薩衆被精
 進甲所修精進波羅蜜多勿令忘失阿難陀
 曰唯然世尊我已受持諸菩薩衆被精進甲
 所修精進波羅蜜多必不忘失時薄伽梵說
 是經已具壽滿慈子具壽舍利子具壽阿難
 陀及餘聲聞諸菩薩衆并餘一切天龍藥叉
 阿素洛等聞佛所說皆大歡喜信受奉行

大般若波羅蜜多經卷第五百九十

李

揭

居烈反

高驤

下音相平騰躍也

擐甲

上音患貫甲也

策

四上

責反

垂

一也

下音

端

市緣反

輓

厄音

隸

要

安

見於

酖毒

上丁舍反

嗜酒也

恐是

鴿字直

飲

而

死溜力救反水鑽音遂取火也燧音遂取火也斷幹且下反

蚓音引也蟹今買反驩音馬也訶衍下音

銜旁也駑駘上音奴也矧失忍反訶衍下音

大燬音毀拯蒸字上淤之去反端倪下音翹云

佇上渠反瞬詩閏反馭音御鼎音頂輟知劣反

勃興上蒲反言古哀反馭音御鼎音頂輟知劣反


莫候反聿正作頰六上擊反之

窳堵蘇沒反觀亦擊反之

字芥下許萎歇烏為反無暇下音也

大檀越成忠郎趙安國一力刊

白卷



2

2

108

108

